



Broj: 1619-1/22 Z-07

Datum: 09. 09. 2022. godine

ZAPISNIK

Sa 15. (petnaeste) redovne sjednice Upravnog odbora JU Kantonalni Zavod za zaštitu kulturno-historijskog i prirodnog naslijeđa Sarajevo, održane u petak 09. 09. 2022. godine, sa početkom u 14:00 sati.

Sjednici su prisustvovali: Azra koldžo, predsjednica Upravnog odbora, Selma Karačević-Kapić, zamjenica predsjednice Upravnog odbora, članice Upravnog odbora Mirsada Škrijelj i Elša turkušić Jurić, direktor Zavoda Boris Trapara, Vedad Bezdob stručni saradnik za finansijske poslove Zavoda i Emir Ramić stručni saradnik za pravne poslove Zavoda.

Sjednicu je otvorila i pozdravila sve prisutne predsjednica Upravnog odbora Azra Koldžo uz konstataciju da članica Upravnog odbora Maida Šahinagić iz opravdanih razloga nije mogla prisustvovati sjednici i predložila slijedeći Dnevni red za usvajanje.

DNEVNI RED

1. Usvajanje zapisnika sa 14. sjednice Upravnog odbora
2. Usvajanje Pravilnika o radu
3. Razmatranje zahtjeva Ministarstva kulture i sporta, a u vezi sa aktom Ureda za borbu protiv korupcije i upravljanje kvalitetom
4. Razmatranje žalbe Damira Hadžića
5. Usvajanje izmjene plana javnih nabavki
6. Davanje saglasnosti direktoru Zavoda za utrošak sredstava koja prelaze iznos od 5.000,00 KM
7. Razno

Dnevni red je jednoglasno usvojen.

AD – 1 Bez primjedbi i sugestija usvaja se zapisnik sa 14. (četnaeste) redovne sjednice Upravnog odbora održane 19. 07. 2022. godine.

AD – 2 Upravni odbor je donio jednoglasnu Odluku o usvajanju Pravilnika o radu JU Kantonalni Zavod za zaštitu kulturno-historijskog i prirodnog naslijeđa Sarajevo. Pravilnik o radu shodno odredbama članova 23. 24. i 31 Zakona o vijeću uposlenika, dostavljen je 17. 02. 2022. godine Sindikatu Zavoda i u roku od sedam dana nije bilo prijedloga i sugestija na dostavljeni tekst Pravilnika o radu.

AD – 3 Upravni odbor je razmotrio zahtjev Ministarstva kulture i sporta, a u vezi sa aktom Ureda za borbu protiv korupcije i upravljanje kvalitetom broj 20-04-230-1342/22 od 28.07.2022. godine, koji se odnosi na ispunjavanje propisanih uslova u pogledu radnog iskustva direktora JU Kantonalni zavod za zaštitu kulturno-historijskog i prirodnog naslijeđa Sarajevo Borisa Trapare. Upravni odbor je u vezi sa navedenim zatražio izjašnjenje direktora, te

je cjelokupna dokumentacija ponovo razmatrana, uključujući potvrde koje su dostavljene na Konkursu za izbor direktora. Temeljem ove dokumentacije i shodno utvrđenim činjenicama, Upravni odbor usaglašenog je stajališta da Boris Trapara ispunjava uslove utvrđene Pravilima ove javne ustanove, a što su utvrdili i članovi Upravnog odbora koji su provodili izbor direktora Ustanove.

AD – 4 Članovi Upravnog odbora razmatrajući žalbu Damira Hadžića na Rješenje o otkazu ugovora o radu broj 1263/22 od 13.07.2022. utvrdili su da je žalba blagovremena, dopuštena i izjavljena od ovlaštenog lica. Razmatrajući navode iz žalbe, Upravni odbor izvršio je uvid u cjelokupnu dokumentaciju koja se odnosi na provedeni disciplinski postupak i otkaz ugovora o radu, te saslušao direktora Zavoda o relevantnim okolnostima i činjenicama. Nakon temeljitog pretresa dokumentacije i uvidom u činjenično stanje u vezi sa navodima iz žalbe koji se odnose na nepristrasnost službenog lica – direktora, Upravni odbor cijeni da iste nisu osnovane obzirom da je jasno da su postojale objektivne okolnosti uslijed kojih je pokrenut disciplinski postupak. U skladu sa odredbom člana 107. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, br. 52/19 i 5/20) poslodavac lično ili putem formiranja komisije može utvrđivati činjenice za povredu radne discipline. Ne postoji dakle nikakvo ograničenje da direktor utvrđuje povredu radne discipline lično, bez formiranja komisije i riječ je o diskrecionoj odluci pokretača postupka.

Sam disciplinski postupak proveden je u skladu sa relevantnim zakonskim i drugim odredbama: radniku je pružena prilika za iznošenje odbrane, predložene su mu sve relevantne okolnosti i dokumentacija koja se razmatrala prilikom donošenja odluke, te je pribavljena saglasnost Kantonalnog odbora sindikata Kantona Sarajevo za pokretanje disciplinskog postupka, kao i saglasnost Federalnog ministarstva rada i socijalne politike u kojoj se, kako je Damir Hadžić ujedno i sindikalni povjerenik, egzaktno navodi da je utvrđeno da se ne radi o otkazu ugovora o radu koji se može dovesti u vezu sa obavljanjem sindikalnih aktivnosti, već o otkazivanju ugovora o radu zbog teže povrede radne obaveze. Kroz razmatranje dokumentacije koja se odnosi na provedeni disciplinski postupak, evidentno je i kako je žalitelj pokušavao opstruirati provođenje i okončanje disciplinskog postupka zloupotrebom svog položaja sindikalnog povjerenika Zavoda.

U žalbi se iznosi niz proturječnih i kontradiktornih navoda i argumenata, ali nesporno je da i sam žalitelj priznaje da je učinio radnje koje mu se stavljaju na teret: otvorio bolovanje u ustanovi u kojoj je zaposlen, te u tom periodu obavljao poslove kod drugog poslodavca, što ima karakter zloupotrebe bolovanja, a što je članom 110. Kolektivnog ugovora za djelatnost kulture u Kantonu Sarajevo utvrđeno kao teška povreda radne obaveze.

Upravnom odboru nejasan je navod iz žalbe da "Sporno rješenje o otkazu ugovora o radu nije u skladu ni sa jednim stavom člana 98. Zakona o radu", obzirom da ovaj član Zakona taksativno navodi neopravdane razloge za otkaz. Nadalje, član 96. Kolektivnog ugovora na koji se žalitelj također poziva, a u vezi sa otkaznim rokom, nije primjenjiv u njegovom slučaju obzirom da je riječ o otkaznim rokovima kada radni odnos u ustanovi prestaje u slučajevima i pod uslovima utvrđenim zakonom i općim aktima ustanove. Žalitelju je međutim radni odnos prestao u skladu sa zakonskim propisima koji se odnose na otkaz poslodavca bez obaveze poštivanja otkaznog roka uslijed teške povrede radne obaveze, te je bespredmetno govoriti o dužini trajanja otkaznog roka.

Na osnovu prije konstatovanog članovi Upravnog odbora su jednoglasno usvojili, odbija se se žalba Damira Hadžića na Rješenje o otkazu ugovora o radu broj 1263/22 od 13.07.2022. godine kao neosnovana.

AD – 5 Članovi Upravnog odbora su jednoglasno usvojili izmjenu plana javnih nabavki uz Zahtjev Upravnog odbora da se naprave manje izmjene teksta.

AD – 6 Bez primjedbi i sugestija Upravni odbor je usvojio davanje saglasnosti saglasnosti direktoru Zavoda za utrošak sredstava koja prelaze iznos od 5.000,00 KM a u vezi je sa tačkom AD – 5 usvajanje izmjene plana javnih nabavki.

AD - 7 Pod ovom tačkom Dnevnog reda Upravni odbor je razmatrao poteškoće koje Zavod ima sa dobivanjem Ovlaštenja, odnosno produženjem važenja Uvjerjenja za poslove projektovanje u oblasti zaštite, konzervacije, prezentacije i rehabilitacije nacionalnih spomenika izdate od strane Federalnog ministarstva prostornog uređenja. Poteškoće su nastale stupanjem na snagu nove Uredbe o uređenju gradilišta, obaveznoj dokumentaciji na gradilištu i sudionicima u građenju ("Službene novine Federacije BiH", broj 25/22 i 42/22). Konstatovano je da će se poduzeti određeni koraci da se riješi navedeni problem.

Sjednica zaključena u 15:30 sati.

Zapisnik pripremio

Emir Ramić

Predsjednica Upravnog odbora

Dostaviti:

- Ministarstvu kulture i sporta Kantona Sarajevo
- Članovima UO
- Direktor
- Arhivi UO
- Arhivi

